

TURISMO SO A SCAPA DI GARA DI DESAROLLO DI ANTILLAS

ORANJESTAD(AAN)—Den su discurso den Eilandsraad Sr. Betico Croes a bay atras pa aña 1931 indicando cu e aña ey a ser entrega median- te Raad van Politie, un peticion na su Majestad Reina Wilhelmina.

Na december 1942 du- rante segunda guera mun- dial, Reina Wilhelmina tabata na Londres den exilo, y el a priminti An- tillas, Suriname cu des- pues di Segunda Guera Mundial lo bini un proce- so pa duna nan nan liber- dad. E ora ey despues di Segunda Guera Mundial a bini tur e proceso di or- ganizacion pa por a yega na e-separacion di Aruba.

Dia 19 di december 1949, un casualidad 26 aña prome cu dia 19 di december 1973 a ser acepta den Staten e de- recho pa autodetermina- cion di cada pueblo di cada isla dia cu MEP a drenta Gobierno Central, un delegacion di Antillas mester a bay Hulanda pa conferencia di mesa ron- do pa wak 1..si Hulanda ta di acuerdo pa Antillas bira un parti igual cu Hu- landa..2..pa mira si Aruba por sali for di e constela- cion Antillano.

Un Moción a ser acepta na e conferencia di mesa rondo di 1948 a base di cual nan a forma, e comision bao di Dr. A. van Poelje, 14 di juli 1947 y e rapport di Dr van Poelje kico el a bisa: Un sistema federal.

“TA nifica e islanan di abao por duna poder na un gobierno cntral, no cu ta asina cu gobierno central ta dicidi y dicta ariba e islanan abao for di ariba bay abao.

Lamentablemente reco- mendacionnan di Van Poelje no a wordo acepta y a bini e interimregeling cu tabata proveni un esta- do di Antillas centralista of unitario decentralisa, gedecentraliseerde een- heidsstaat na unda ver- daderamente ta duna po- der na e islanan, pero e poder di mas grandi ta Gobierno Central, pas- bra e ta di ariba bay abao no manera esun di Van Poelje di abao bay ariba.

Aruba a wordo engaña. Aruba a base di e interim- regeling a wordo priminti igualdad cu Curacao. Anto una vez cu Aruba a acepta e igual 8-8, ni 9 luna despues el a wordo cambia pa haya contra e voluntad di pueblo di Aruba. Pueblo a haya un cara abao, pero e tempo ey pueblo di Aruba a ke- da braza cruza.

Partido PPA a wordo brinda e raiz di e desarol- lo ey. Statuut a bisa e cambionan ariba tereno estatal di acuerdo cu e plan van Poelje pero la- mentablemente a yega der un desarrollo durante e regimen di PPA cu nin- gun cambio ariba tereno estatal, solamente 9 di augustus 1968 unda po- der a ser saca y duna na gobierno central.

Y e tempo ey e combi- nacion di AVP-PIA -PRO a protesta contra e deci- sion di centralizacion y anos a pidi pa aplica awor articulo 60 di Staats regeling unda ta bisa cu tin un appel instantie anto vice premier Bakker a manda contesta Aruba cu no ta mira e motibo pa crea e appel instantie aki pasobra aribulo 88 di Staatsregeling ta bisa cu cambio asina di Eilanden- regeling ta dos percera parti y Curacao, Bonaire, Isla Ariba so no tin dos tercera parti.

Dos tercera parti di Sta- ten ta 15, nan tin 14 ta significa uno di Aruba por yuda forma e dos ter- cera parti, anto vice pre- mier Bakker a laga sa cu ta esey ta e garantia pa Aruba.

“Mi mester bisa cu Sr. Henny Eman q.e.p.d. ta- bata sa di motiva pueblo tene e deseo ferviente aki di nos pueblo di ta liber, tene ardiente.

Ora cu PPA no a bin cu cambio estatal di acuerdo cu nan propio statuut, pueblo di Aruba a duna PPA benefit of the doubt pasobra bao di e lider Juan Enrique Irausquin q.e.p.d. nan a traha ariba un base economico pa - nos isla. Awor nos a yega den e otro fase pasobra cu despues di 35 aña cu nos tabata den e situa- cion di Antillas aki, poli- ticamente Aruba tabata cologa y dia pa dia des- vaneciendo den sombra

di Curacao. Aruba no por a perfila su mes politica- mente. Ariba tereno eco- nomico nos refinaria, nos sa con e relacion di e refinaria Shell cu Vene- zuela, Hulanda, Exxon, Venezuela ta. Nos sa e situacion.

“Mi ta menciona pa muestra con pa motibo di e constelacion politico tin desarollonan cu por ta contra interes di Aruba cu nos no tin un gara ari- ba dje, pa motibo di do- minio politico di Curacao y ademas ora den e sector petrolero nos kier a bay na exploracion y explo- tacion di petroleo, ken a stroba nos? E mesun constelacion antillano den cual Aruba no tabata tin casi nada di bisa.

Ariba tereno di indus- trializacion proteccion di mercado, mas bene- ficio di industrialnan di Curacao. Tempo di dry dock cu nos a manda un delegacion di Sr. Oscar Henriquez y Sr. Domini- co Guzman Croes of ta Max Croes, pa bay ingla- tera pa papia cu hende- nan di Grecia pa un dry dock pa Aruba, Aruba no por a haya dry dock, pa- sobra e ta competi cu e dry dock di Curacao.

“Con e asunto di off- shore companies ta. Con Corsow ta hayando awor aki 350 millon na winst- belasting, pasobra tur cos ta centraliza eynan, belas- tingen, fiscaal juristen, tur a keda aya, nan a bin cu infra estructura, nan ta adapta cierto ruling cu aki no ta wordo adapta mas ventahoso.

Turismo. Tabata tin un intencion un tempo pa centraliza turismo. Ima- gina cu turismo mester a wordo centraliza, anto awor aki cu Lago a cera su porta te hasta e turis- mo nos no por a desarolla Ta e unico cu a scapa for di e gara di desarrollo di Antillas.

Turismo, infraestructura, ALM, telecomunicacion,

y te awe ainda mi ta cor- da palabra di Sr. Oscar Henriquez como presi- dente di bestuurscollege, tempo cu PPA tabata den gobierno. Nan tabata bringa pa un aeropuerto pa jet ateriza aki na Aru- ba, esta DC-10, boeings etc. Anto e tabata na Hu- landa, el a lesa un buki, e tempo cu Amsterdam mester a coba e kanaal, anto na Hulanda nan ta bisa Rotterdam ta sufi- ciente. No mester di uno na Amsterdam. Anto el a trek e paralelo cu Cura- cao pa e pista di aterizaje unda cu despues di hopi poder di conveniencia Aruba a bin haya su jet airstrip.

Ariba tereno economi- co despues di 35 aña lar- go Aruba no a haya e po- sibilidadnan justo di crecemento compara cu e isla mas grandi. Sr. Beti- co Croes a laga sa.

Ariba cultura el a bisa cu culturalmente nos propio identidad tabata desvaneciendo, pasobra por ehemplo ni nos pro- pio idioma nan kier laga nos skirbi manera nos ta desea. Y te awe tin cier- to funcionarionan den nos pueblo ta bruhandu tera contra e ortografia tradicional di nos papia- mento, manera nos ma- yornan, nos bieuwnan semper a skirbi nos papia- mento.

Despues di 35 aña cu nos a pasa asina den e Antillas aki, MEP a nace na 1971 y a bisa cu ta basta, lider di MEP a spli- ca.

Na 1974 despues di for- macion di gobierno MEP a cuminsa cu e conferen- cianan cumbre entre e is- lanan unda e departamen- to di estructura estatal a ser funda.

“Awe mi a trece den mi auto, pero mi no a baha cune, un maleta grandi, pa muestra cuanto trabao nos a haci desde e tempo cuanto rapport, y mi ta kere cu nos por yena un biblioteca grandi cu tur e rapportnan aki.

Na 1975 si no tabata pa Aruba, Antillas Neerlan- des, 25 di november 75 lo a bira un Republica Federal di Antillas hunto cu Suriname.



ROYAL DISCOUNT CARD

«bo solucion financiero»

Dakota Shopping Paradise Tel. 32581



GANAN UN DAY—TRIP PA MARACAIBO CU:

inclui Tour den cuidad di Maracaibo, bishita na Plaza Bolivar y e centro di Arte. Shop den Hotel Del Lago pa joyas, lunch den restaurant tipico, Trip cu boto ariba Rio Sinamaica.

Pasa na: DAKOTA SHOPPING PARADISE
ECONOMIZA y GANA BON PREMIO !

Fl. 100,- di Boekhandel Marsika (special pa aña escolar)
Fl. 100,- di Joyas Divi Divi, (joyas traha na Aruba)
Fl. 100,- di Swiss Pastery & Cake Shop (na bolo y diferente snacks)
Fl. 100,- di Rainbow Video (mas di 60 Video, special pa vakantie)

YAMA 32581

